

KLINIČKI CENTAR UNIVERZITETA U SARAJEVU

Ul. Bolnička br. 25., 71 000 Sarajevo, Bosna i Hercegovina, koga zastupa Prof.dr. Sebija Izetbegović, Generalna direktorica, (u daljem tekstu Ugovorni organ).

Broj transakcijskog računa: 391549212006453240 kod Intesa Sanpaolo Banke

ID br.4200089110002

PDV br.200089110002

i

Robert's Plus d.o.o. Split, Hrvatska, sa sjedištem u ulici Marasovićeve 67. 21000 Split, koga zastupa Vesna Čilić, direktorica (u daljem tekstu Pružalac usluga),

Broj transakcijskog računa: HR5024070001100618771 kod OTP BANKA, SWIFT,OTPVR2K

ID br. HR62687697158

PDV br. HR62687697158

u Sarajevu, dana 11.03.2020., zaključili su

UGOVOR

Nabavka usluga - Usluge on line pristupa/korištenja baze podataka "Up To Date" (Ekspertni medicinski sistem u elektronskoj formi)

OPŠTE ODREDBE

Član 1.

U skladu sa članom 8. stav 1. i 2. Zakona o javnim nabavkama (Službeni glasnik BiH broj 39/14), te na osnovu odredbi Pravilnika o postupku dodjele ugovora o uslugama iz Aneksa II. dio B. kategorija 11. Zakona o javnim nabavkama (Službeni glasnik BiH broj 66/16), proveden je postupak javne nabavke usluga - **Usluge on line pristupa/korištenja baze podataka "Up To Date" (Ekspertni medicinski sistem u elektronskoj formi)** putem Poziva za dostavljanje ponuda za nabavku usluga objavljenog na web stranici KCUS-a.

PREDMET UGOVORA

Član 2.

Predmet ovog Ugovora je **nabavka usluga - usluge on line pristupa/korištenja baze podataka "Up To Date" (Ekspertni medicinski sistem u elektronskoj formi)**, u svemu prema ponudi broj: 0226/KCUS/20 od 21.02.2020.godine, odabranoj u postupku javne nabavke putem Poziva za dostavljanje ponuda za nabavku usluga pod brojem: 01-11-3-7935/20 dana 12.02.2020.godine, objavljenog na web stranici Ugovornog organa i prema Izvještaju Komisije za javne nabavke broj: 10-33-4-10533 od 26.02.2020.godine, te Odluci o izboru najpovoljnijeg ponuđača javne nabavke broj: 01-04-4-10590 od 26.02.2020.godine.

Odabrana ponuda broj: 0226/KCUS/20 od 21.02.2020.godine (KCUS broj 10-11-3-10017 od 24.02.2020.godine) čini sastavni dio ovog Ugovora.

[Handwritten signature]

CIJENA, TRAJANJE I VRIJEDNOST UGOVORA

Član 3.

Cijene koje će Ugovorni organ isplatiti Pružaocu usluga iz Čl. 2. ovog ugovora su izražene u **USD (\$)**, obzirom da je ponuda u okviru osiguranih sredstava za predmetnu nabavku, kako bi se izbjeglo variranje kursne razlike koja je učestala za valutu USD (\$), a naročito zbog trajanja pretplate u periodu do 3 godine, za koju se vrši plaćanje na godišnjem nivou.

R. broj	Opis usluge	Jed. mjere	Količina	Cijena na godišnjem nivou / valuta USD (\$)	Ukupna cijena / valuta USD (\$)
1.	Usluge on line pristupa/korištenja baze podataka "UpToDate" za 2020. godinu	kom	1	41.400,00	41.400,00
2.	Usluge on line pristupa/korištenja baze podataka "UpToDate" za 2021. godinu	kom	1	43.450,00	43.450,00
3.	Usluge on line pristupa/korištenja baze podataka "UpToDate" za 2022. godinu	kom	1	45.380,00	45.380,00
Ukupna cijena					130.230,00

Ugovor se zaključuje na period do **3 (tri) godine (za 2020., 2021., i 2022.godinu)** uz sukcesivno pružanje usluga **zaključno sa 31.01.2023.godine.**

NAČIN PLAĆANJA, MJESTO I ROKOVI ISPORUKE

Član 4.

Plaćanje će se izvršiti u 3 (tri) godišnje rate od kojih svaka **dospjeva 30 dana od dana zaprimanja računa** za izvršene usluge. **I rata dospjeva na plaćanje 30 dana** nakon uspostavljanja pristupa Up To Date bazi i izdavanja fakture, **II rata dospjeva 12 mjeseci nakon uspostavljanja pristupa UpToDate bazi, dok III rata dospjeva 24 mjeseca nakon uspostavljanja pristupa UpToDate bazi. Valuta plaćanja je prema ponudi ponuđača.**

Ukupna plaćanja Pružaocu usluga bez PDV-a na temelju sklopljenog ugovora ne smiju prelaziti ugovorenu vrijednost nabave.

Pružalac usluga je dužan izdati / sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Pružaocu na usklađivanje.

Uslovi plaćanja i drugi uslovi koje Pružalac usluga jednostrano unese u fakturu ne obavezuju Ugovorni organ da realizuje istu, ni u slučaju da je fakturu primio, a nije uložio prigovor Pružaocu.

Član 5.

Mjesto pružanja usluga je Klinički centar Univerziteta u Sarajevu, ulica Bolnička 25. Sarajevo.

Rok izvršenja usluga iz Čl. 2. ovog ugovora je **do 2 (dva) kalendarska dana** od dana obostranog potpisivanja ugovora.

Pod izvršenjem usluga se podrazumijevaju sve potrebne radnje koje je Pružalac usluga dužan obaviti, prema ugovoru i prirodi posla, a u svemu saglasno ponudi za isporuku usluga čiji kvalitet/količina u potpunosti odgovara traženim karakteristikama - Aneks 3 koji je sastavni dio ugovora.

OBAVEZE PRUŽAOCA USLUGA

Član 6.

Pružalac usluga se obavezuje da će ugovorene obaveze obuhvatiti sve aktivnosti i radnje u svrhu osiguranja pune operativne funkcionalnosti predmetne nabavke koje su uključene u cijenu, sve radnje se moraju izvesti stručno prema tehničkim i strukovnim propisima, odnosno u izvršenju usluga Pružalac je dužan osigurati da iste u njegovo ime izvršavaju eksperti iz predmetne oblasti sa odgovarajućim nivoom znanja/vještina za konkretne poslove, u suprotnom preuzima i snosi punu odgovornost pri čemu posljedice koje proističu zbog neizvršavanja poslova ili propusta prilikom njihovog izvršenja padaju na teret i odgovornost Pružaoaca.

OBAVEZE UGOVORNOG ORGANA

Član 7.

Ugovorni organ se obavezuje da će svoje obaveze u pogledu plaćanja izvršavati redovno u rokovima koji su definisani ovim ugovorom i odrediti osobu koja će kontaktirati sa Pružaoceom usluga.

UGOVORNA KAZNA / PENALI I VIŠA SILA

Član 8.

Pružalac usluga snosi štetne posljedice koje nastanu zbog zastoja ili kašnjenja u isporuci i pružanju usluga, odnosno neodgovarajućeg kviliteta (količine) usluge.

Član 9.

Ukoliko Pružalac usluga ne izvrši ugovorene obaveze definisane ovim ugovorom, obavezuje se da za svaki dan zakašnjenja plati Ugovornom organu ugovornu kaznu / penale u iznosu od 0,1 % od ugovorene cijene, pri čemu ukupni iznos ugovorne kazne ne može biti veći od 5 % od vrijednosti ugovorenih obaveza.

Član 10.

U dane zakašnjenja se ne ubrajaju kalendarski dani u toku kojih se pojavio slučaj više sile.

Ako slučaj više sile spriječi, potpuno ili djelimično, izvršenje obaveza po ovom ugovoru, ugovorna strana zahvaćena slučajem više sile je obvezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od sedam dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takve obavijesti.

Pod višom silom, u smislu prethodnog stava, smatraju se spoljni i izvanredni događaji koji nisu postojali u vrijeme potpisivanja ovog ugovora, koji su nastali mimo volje ugovornih strana, čije nastupanje i djelovanje ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna djelovanja, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglašava kao slučajeve više sile.

Za vrijeme trajanja više sile obaveze ugovornih strana po ovom ugovoru miruju, ne primjenjuju se odredbe Ugovora o ugovornoj kazni, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od trideset dana, ugovorne strane će se sporazumijeti o daljoj sudbini Ugovora. Ukoliko se ugovorne strane ne sporazumiju o sudbini ugovora, ugovorna strana kod koje nije nastupila viša sila ima pravo na raskid ugovora nakon što o tome pismeno obavijesti drugu ugovornu stranu.

OSTALE ODREDBE

Član 11.

Izmjene i dopune ovog ugovora mogu se vršiti samo uz pismenu saglasnost ugovornih strana.

Član 12.

Sastavnim dijelovima ovog ugovora smatraju se svi ostali uslovi definisani dokumentacijom Poziva za dostavljanje ponuda i Ponudom.

ZAVRŠNE ODREDBE

Član 13.

Za sva pitanja koja nisu regulisana ovim ugovorom primjenjivaće se odredbe Zakona o obligacionim odnosima.

Član 14.

Ugovorne strane su saglasne da sve eventualne nesporazume po ovom ugovoru rješavaju sporazumno, u duhu dobrih poslovnih običaja, a u suprotnom nadležan je sud u Sarajevu.

Član 15.

Ugovor stupa na snagu danom potpisivanja obje ugovorne strane i važi do **3 (tri) godine (za 2020., 2021., i 2022.godinu)** uz sukcesivno pružanje usluga **završno sa 31.01.2023.godine.**

Član 16.

Ovaj Ugovor sačinjen je u 6 (šest) istovjetnih primjerka, od kojih Ugovorni organ zadržava 4 (četiri), a Pružalac usluga 2 (dva) primjerka.

Pružalac usluga
Robert's Plus d.o.o. Split,
Hrvatska
Direktor
Vesna Čilić



ROBERT'S PLUS d.o.o.
SPLIT - HRVATSKA

KLINIČKI CENTAR
UNIVERZITETA U SARAJEVU
Generalna direktorica
Prof.dr.Sebija Izetbegović



UNIVERZITETA
U SARAJEVU

11. 03. 2020
01-04-11-260-12



Naziv ponuđača ROBERT'S PLUS d.o.o.

Ponuda br. 0226/KCUS/20

**Nabavka usluga - Usluge on line pristupa/korištenja baze podataka "Up To Date"
(Ekspertni medicinski sistem u elektronskoj formi)**

Red. br.	Tehničke karakteristike Ekspertnog medicinskog sistema u elektronskoj formi "Up To Date"	Potvrda tehničkih karakteristika (DA ili NE)
1.	Uobičajen kao web portal, odnosno centralna internet stranica s cjelovitim pristupom sadržajima u sklopu podstranica portala	DA
2.	Dostupan 24 sata na dan, odnosno najmanje 99,5% ukupnog vremena dozvoljavajući period redovnog ažuriranja portala (do 2 sata), na svim web pretraživačima koji su trenutno u upotrebi (Internet Explorer, Mozilla Firebox, Opera, Google Chrome, Safari, itd.)	DA
3.	Sadržaj stručne medicinske prirode namijenjen liječnicima i medicinskom osoblju, iz minimalno 25 medicinske specijalnosti, pripremljen od autora koji su priznati medicinski stručnjaci za određeno područje, sa afilijacijom na akademsku instituciju.	DA
4.	Sadržaj koji se može pretraživati, sa integriranom tražilicom u sklopu portala u koju se mogu unijeti ključne riječi na minimalno 9 svjetskih jezika kako bi se ciljano pretražile informacije. Rezultat pretraživanja može biti samo na engleskom jeziku.	DA
5.	Informacije prezentirane u obliku sažetih svih dosadašnjih znanstvenih radova i saznanja na određenu temu koji su prisutni u literaturi u svijetu.	DA
6.	Prezentirane informacije trebaju imati jasno i temeljito citiranu literaturu u tekstu radi informacije o originalnim radovima iz kojih su informacije dobivene, neovisno recenzirane te bez propagandnih poruka.	DA
7.	Informacije dostupne u ekspertnom sistemu moraju biti prezentirane u skladu s postulatima medicine temeljene na dokazima (eng. Evidence based medicine) i bazirane na zadnjim znanstvenim spoznajama.	DA
8.	Informacije trebaju biti prezentirane u obliku preporuka za kliničko postupanje u svakoj od bolesti, na opširan način uzimajući u obzir najbolje dostupne dokaze.	DA
9.	Objašnjenja o etiologiji, epidemiologiji, kliničkoj slici, diferencijalnoj dijagnostici, kliničkoj dijagnostici, laboratorijskim testovima, terapijskim mogućnostima, eksperimentalnim metodama liječenja trebaju biti prezentirane za svaku pojedinu bolest ili stanje.	DA
10.	Uz opširno objašnjenje bolesti, dijagnostike i liječenja, treba biti prisutan i sažetak trenutnih preporuka za dijagnostiku i liječenje svake pojedine bolesti ili stanja.	DA

KLINIČKI CENTAR UNIVERZITETA
SARAJEVO
Tehnički sektor

Red. br.	Tehničke karakteristike Ekspertnog medicinskog sistema u elektronskoj formi "Up To Date"	Potvrda tehničkih karakteristika (DA ili NE)
11.	U sklopu objašnjenja bolesti, dijagnostičkih metoda liječenja, poželjno je, kada je to razumno, imati i slikovne ili video opise, odnosno grafičke skice za razjašnjenje posebnosti ili načina provođenja nekog dijagnostičkog ili terapijskog postupka, i koji se mogu koristiti u pripremi nastavnih materijala.	DA
12.	Ekspertni sistem treba uključivati: izbor važnijih medicinskih kalkulatora, bazu podataka o lijekovima, modul s mogućnošću provjere interakcija lijek-lijek i lijek-alternativni medicinski pripravak, informacije za pacijente; kao i mogućnost korisnika da se autorima postavi pitanje vezano za temu sa obavezom odgovora.	DA
13.	Sadržaj portala treba biti redovno ažuriran tako da reflektira najnovija znanstvena saznanja u sklopu pojedinih tema, stanja ili bolesti, sa izdvojenim modulom za najnovije spoznaje,	DA
14.	Elektronski ekspertni sistem mora biti na osnovu do sada provedenih nezavisnih istraživanja dokazano učinkovit u poboljšanu ishoda i kvalitete zdravstvene skrbi, skraćanju trajanja hospitalizacije, ostvarivanju ušteda u radu bolnica i unaprijeđenju edukacije zdravstvenih kadrova.	DA
15.	Licenca za online pristup web portalu treba biti važeća za sve računare na lokaciji korisnika sa neograničenim pristupom kompletnom sadržaju bez limita u broju korisnika (računara) sa kojih se istovremeno spaja na medicinski ekspertni sistem, uključivo i VPN pristupom na lokacijama korištenja. VPN pristup sa bilo kojih vanjskih lokacija, kao i pristup neautoriziranih korisnika nije dozvoljen.	DA
16.	Pristup elektroničkom ekspertnom sistemu ima mogućnost integriranja u bolnički informatički sistem (poveznicama ili aplikacijama preko korisničkog sučelja bolničkog informatičkog sistema). Naručitelj će osigurati minimalnu brzinu veze 56K, „Cookiesi“ i Javascript moraju biti omogućeni.	DA
17.	Web portal treba biti automatski ažuriran, bez softverskih nadograđivanja ili instalacija dodatnih alata za pretraživanje i pregledavanje sadržaja, dostupan osim okolnosti koje su izvan redovne kontrole bilo koje strane, ili uzrokovane aktivnošću trećih strana (Internet providera i sl.).	DA
18.	Podrška za korisnike treba biti omogućena putem e-maila i/ili telefona, kao i godišnje statistike korištenja i pretraženih tema.	DA

Potpis i pečat ponuđača: _____


ROBERT'S PLUS d.o.o.
 SPLIT - Hrvatska


ROBERT'S PLUS d.o.o.
 SPLIT - Hrvatska

KLINIČKI CENTAR UNIVERZITETA
SARAJEVO
 Tehnički sektor